



CONVENIO DE COLABORACIÓN ENTRE A CONSELLERÍA DE EDUCACIÓN, UNIVERSIDADE E FORMACIÓN PROFESIONAL E A FEDERACIÓN GALEGA DE MUNICIPIOS E PROVINCIAS EN RELACIÓN COS GASTOS DE LIMPEZA DOS CENTROS PÚBLICOS INTEGRADOS

En Santiago de Compostela, a 19 de decembro do dous mil dezaioito

REUNIDOS

Dunha parte, _____ conselleira de Educación, Universidade e Formación Profesional, en nome e representación da Xunta de Galicia, en virtude do disposto no artigo 34.1 da Lei 1/1983, do 22 de febreiro, reguladora da Xunta e da súa presidencia e do artigo 3 do Decreto 138/2018, do 8 de novembro, polo que se establece a estrutura orgánica da Consellería de Educación, Universidade e Formación Profesional

Doutra, o Sr. _____ Presidente da Federación Galega de Municipios e Provincias, que actúa para este acto en representación desta, en virtude do disposto nos artigos 44 e 46.1 dos seus Estatutos.

Ámbalas dúas partes interveñen en nome das institucións que representan, no exercicio das facultades que ostentan polos seus cargos e recoñécense mutuamente a capacidade legal para o outorgamento e sinatura do presente convenio e EXPOÑEN:

PRIMEIRO.- Que a Consellería de Educación, Universidade e Formación Profesional, de acordo co establecido no artigo 31 do Estatuto de Autonomía de Galicia, e no artigo 1 do Decreto 138/2018, do 8 de novembro, polo que se establece a estrutura orgánica da Consellería de Educación, Universidade e Formación Profesional, ten atribuídas as competencias en materia de educación.

SEGUNDO.- Que os concellos, de conformidade co disposto no artigo 25.2 n) da Lei 7/1985, do 2 de abril, reguladora das bases do réxime local, exercen competencias, nos termos da lexislación do Estado e das comunidades autónomas, entre outras materias, a conservación, mantemento e vixilancia dos edificios de titularidade local destinados a centros públicos de educación infantil, de educación primaria e de educación especial.



TERCEIRO.- Que o parágrafo segundo da disposición adicional décimo quinta da Lei Orgánica 2/2006, do 3 de maio, de Educación, establece que a conservación, o mantemento e a vixilancia dos edificios destinados a centros públicos de educación infantil, de educación primaria e de educación especial, corresponderán ao municipio respectivo. Estes edificios non se poderán destinar a outros servizos ou finalidades sen autorización previa da Administración educativa correspondente. Porén, dita norma tamén prevé que as administracións educativas poderán establecer procedementos e instrumentos para favorecer e estimular a xestión conxunta coas administracións locais e a colaboración entre centros educativos e administracións públicas, e no que se refire ás corporacións locais, estableceranse procedementos de consulta e colaboración coas súas federacións ou agrupacións máis representativas.

CUARTO.- Que a Federación Galega de Municipios e Provincias (en adiante FEGAMP) é o órgano institucional que, segundo os seus Estatutos constitutivos, representa e defende os intereses das entidades locais asociadas.

Así mesmo, de acordo coa disposición transitoria terceira da citada Lei 5/1997, do 22 de xullo, a FEGAMP está recoñecida polos concellos como a entidade asociativa máis representativa e maioritaria, e que ten as facultades establecidas nesa lei e as derivadas da súa representatividade.

QUINTO.- Que de acordo co recollido na Lei 9/2007, do 13 de xuño, de subvencións de Galicia, nos seus artigos 9 e 13, terá a consideración de entidade colaboradora aquela que, actuando en nome e por conta do órgano concedente, para todos os efectos relacionados coa subvención lles entregue e distribúa os fondos públicos aos beneficiarios, cando así se estableza nas bases reguladoras. Para isto formalizarase un convenio de colaboración entre o órgano administrativo concedente e a entidade colaboradora, considerándose á FEGAMP, para os efectos deste convenio, como entidade colaboradora da Xunta de Galicia, na súa calidade de entidade representativa da totalidade de concellos e deputacións provinciais de Galicia

SEXTO.- Que o 20 de xaneiro de 2006 asinouse o acordo entre a Xunta de Galicia e a FEGAMP, polo que se establece o contido e desenvolvemento do pacto local que rexerá na Comunidade Autónoma Galega.

SÉTIMO.- Que na cláusula 1 E) do devandito acordo, contéplase a creación dunha comisión mixta paritaria encargada de elaborar propostas sobre as fórmulas que permitan que a Xunta de Galicia asuma os custos económicos que soportan os concellos derivados do mantemento de certos centros escolares.



OITAVO.- Que con data 15 de marzo de 2006 quedou constituída esa comisión mixta, integrada por cinco representantes da Consellería e cinco representantes da FEGAMP.

NOVENO.- Que na reunión mantida en xullo de 2006 a devandita comisión mixta iniciou o estudo dos gastos a que se fai referencia no Acordo de desenvolvemento do Pacto Local, co obxecto de formular unha posterior proposta, rematando o proceso de estudo e debate coas conclusións acadadas con data 26 de maio de 2007, no relativo a asunción de competencias en materia de gasóleo de calefacción de centros de educación infantil e primaria (en adiante CEIPs) e centros públicos integrados (CPIs) e de limpeza dos CPIs.

DÉCIMO.- Que a partir do 1 de setembro de 2007 a Xunta de Galicia asumiu os gastos derivados da subministración do gasóleo de calefacción dos CEIPs, e idénticos gastos respecto dos CPIs, dende 1 de xaneiro de 2008.

DÉCIMO PRIMEIRO.- Que en data 9 de xaneiro de 2008 asinouse un acordo marco entre a Consellería de Educación e a FEGAMP para o desenvolvemento do pacto local en materia de educación, acordando que a partir do 1 de xaneiro de 2008, sería a Consellería de Educación a que asumiría os gastos derivados do servizo de limpeza dos CPIs, cando os mesmos se viñesen prestando mediante a súa contratación cunha empresa de servizos, previa adhesión do respectivo concello ao citado acordo marco.

DÉCIMO SEGUNDO.- Que a singularidade das achegas subvencionais articuladas mediante este convenio, así como as razóns de interese público incuestionable que o animan, xunto coa dificultade e inconveniencia substancial da súa convocatoria pública, satisfán o requisito esixido polo artigo 26.2 a) da Lei 9/2007, do 13 de xuño, de subvencións de Galicia.

DÉCIMO TERCEIRO.- Que toda vez que os concellos que se identifican no Anexo I deste Convenio non se adheriron ao Acordo Marco asinado coa FEGAMP o 9 de xaneiro de 2008, as partes signatarias do presente convenio son conscientes da importancia que para o desenvolvemento do sistema educativo ten a actuación coordinada de ámbalas dúas administracións públicas e coinciden na conveniencia de xuntar os seus esforzos na procura da optimización do uso dos medios materiais e da eficacia na xestión deles.

Por todo o cal manifestan a súa vontade de subscribir o presente convenio, coas seguintes



CLÁUSULAS

Primeira.- OBXECTO DO CONVENIO.

O presente convenio ten por finalidade fixar a distribución das obrigas económicas da administración educativa e das corporacións locais nos gastos de limpeza dos CPIs de Galicia que se detallan no anexo I, cando este servizo se asume e presta polo respectivo concello.

A individualización e pormenorización de tales obrigas inclúese no anexo II a este convenio, entendéndose como beneficiarios das axudas aos concellos, representados pola FEGAMP no presente convenio, todo isto de conformidade co preceptuado na disposición adicional décimo quinta da Lei orgánica 2/2006, do 3 de maio, de educación e no Decreto 7/1999, do 7 de xaneiro, polo que se implantan e regulan os centros públicos integrados de ensinanzas non universitarias.

Ao abeiro deste convenio poderán financiarse os gastos nos que tivesen incorrido as entidades locais destinatarias, como consecuencia da adquisición de obrigas acordos co obxecto do convenio, aínda que se teñan efectuado con anterioridade á sinatura do mesmo, sempre que se trate de gastos correspondentes ao actual exercicio económico.

A FEGAMP, como entidade asociativa representativa das entidades locais de Galicia e integrante da Comisión Galega de Cooperación Local, encádrase no suposto establecido na disposición adicional quinta da Lei 7/1985, do 2 de abril, reguladora das bases do réxime local, configurándose como entidade colaboradora da Consellería de Educación, Universidade e Formación Profesional, segundo o establecido no artigo 9 da lei 9/2007, do 13 de xuño, de subvencións de Galicia.

Segunda.- ACHEGAS ECONÓMICAS.

Sendo as administracións locais as encargadas de xestionar, dirixir e planificar os servizos de limpeza das instalacións dos centros, e actuando a FEGAMP como representante das mesmas, transferirase á Federación, con cargo á aplicación orzamentaria 10.10.423A.460.1 (cod. Proxecto 00390) dos orzamentos da Consellería de Educación, Universidade e Formación Profesional para 2018, un total de **seiscentos cincuenta e oito mil oitocentos sesenta e catro euros (658.864,00 €)** para a súa distribución nas contías que se determinan no Anexo II entre os diferentes concellos.

Para establecer o importe máximo ao que ascenderá a achega económica a efectuar pola administración autonómica tómase como referencia de partida o importe ao que ascendeu a achega efectuada pola Consellería de Educación, Universidade e Formación Profesional ao respectivo concello no exercicio 2017, en concepto de cofinanciamento de gastos de funcionamento dos



correspondentes centros docentes de titularidade municipal existentes en cada un deles, co incremento puntual da achega ao concello de Dodro, derivada do estudo económico de custos realizada oportunamente.

Así pois, a cantidade resultante de 658.864,00 € constitúe o importe máximo que a Consellería pode asumir en concepto de cofinanciamento dos gastos de limpeza dos CPIs xestionados polos concellos con persoal propio.

A anterior contía será minorada naqueles importes que as administracións locais representadas neste convenio non logren xustificar antes da data de finalización da vixencia do convenio.

As corporacións municipais encargaranse da xestión, control e pagamento dos servizos de limpeza dos centros.

Os gastos de limpeza das instalacións dos centros educativos que excedan do importe establecido neste convenio serán asumidos polos Concellos.

A subscrición do presente convenio non implicará relación laboral, ou de calquera outra natureza, entre as persoas que desenvolvan as accións que constitúen o obxecto deste convenio coa Consellería de tal xeito que, por este concepto, non se lle poderá esixir á citada consellería responsabilidade ningunha, nin directa nin subsidiaria.

Terceira.- NATUREZA DAS ACHEGAS ECONÓMICAS.

A participación económica correspondente á administración educativa, terá a consideración de subvención directa pola especificidade das características que debe cumprir a entidade beneficiaria (concellos) e a actividade ou destino da subvención, polo que o presente convenio se tramita ao abeiro dos artigos 19.4 e 26 da Lei 9/2007, do 13 de xuño de Subvencións de Galicia.

Cuarta.- OBRIGAS DA FEGAMP.

Na súa condición de entidade colaboradora correspóndelle á FEGAMP

- a) Entregarlles aos concellos beneficiarios os fondos recibidos de acordo coas contías máximas previstas neste convenio e en todo caso polo importe xustificado por aqueles nun prazo máximo de 15 días dende o libramento por parte da Consellería.



b) Comprobar o cumprimento e a efectividade das condicións e dos requisitos aos que se obrigan os concellos, así como a realización da actividade e o cumprimento da finalidade do presente convenio.

c) Xustificar a entrega dos fondos percibidos diante da Consellería así como entregar á Consellería as xustificacións presentadas polos concellos antes da finalización do prazo de duración do convenio.

d) Someterse ás actuacións de comprobación que respecto da xestión dos devanditos fondos poida efectuar a Consellería de Educación, Universidade e Formación Profesional, así como calquera outra de comprobación e control financeiro que poidan realizar os órganos de control competentes, tanto estatais coma comunitarios, para o que se achegará tanta información lle sexa requirida no exercicio das actuacións anteriores.

A sinatura do presente convenio suporá o outorgamento de consentimento expreso da FEGAMP á Xunta de Galicia para incluír e facer públicos os datos referidos ao convenio, de conformidade co sinalado na Lei 1/2016, do 18 de xaneiro, de transparencia e bo goberno e co Decreto 132/2006, do 27 de xullo, que regula os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Exímese á FEGAMP de constituír a favor da Consellería as medidas de garantía previstas no artigo 13.2 d) da Lei 9/2007, do 13 de xuño, de Subvencións de Galicia e no artigo 72 do Decreto 11/2009, do 8 de xaneiro, polo que se aproba o regulamento da citada Lei, por consideralas innecesarias neste caso.

Quinta.- OBRIGAS DOS CONCELLOS.

Os concellos beneficiarios do presente acordo comprométense a:

a) Destinar as achegas económicas recibidas a través deste convenio a sufragar gastos que se ocasionen ou tivesen ocasionado neste exercicio como consecuencia da realización da limpeza dos centros educativos.

b) Presentar logo da sinatura do convenio:

-Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, do 13 de xuño, de subvencións de Galicia.



- Declaración xurada na que conste o compromiso de cumprimento das obrigas contempladas no artigo 11 da Lei 9/2007, do 13 de xuño, de subvencións de Galicia, sen prexuízo do disposto no artigo 31.7 da Lei 9/2007, do 13 de xuño, de subvencións de Galicia.

- c) Comunicar no momento en que se coñeza, e en todo caso antes da xustificación da aplicación dada aos fondos percibidos, a obtención doutras subvencións, axudas ou recursos que financien as mesmas actividades.
- d) Xustificar a realización da actividade que fundamenta a súa concesión e o seu custo real, mediante a presentación dunha conta xustificativa integrada, que incorporará, en todo caso, a certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida, así como o emprego das contías subvencionadas antes do 28 de decembro de 2018.

Dita conta xustificativa conterá:

a) Certificación expedida pola Secretaría da entidade local, co visto bo do/a alcalde/sa, relativa á aprobación polo órgano competente da conta xustificativa da subvención, na que se faga constar de forma detallada:

1.º O cumprimento da finalidade da subvención.

2.º Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada.

b) Unha relación detallada doutros ingresos ou subvencións que financiarán a actividade subvencionada con indicación do importe e o seu orixe.

c) Someterse ás actuacións de comprobación que, respecto da xestión dos devanditos fondos, poida efectuar a Consellería ou a FEGAMP, así como calquera outra de comprobación e control financeiro que poidan realizar os órganos de control competentes, tanto estatais como comunitarios, para o que se achegará canta información lle sexa requirida no exercicio das actuacións anteriores.



- d) Cumprir co seu deber de remisión ao Consello de Contas das súas contas xerais correspondentes a cada exercicio económico.

Sexta.- RÉXIME DE PAGAMENTOS.

A Consellería de Educación, Universidade e Formación Profesional librará á FEGAMP, no prazo de 10 días dende a certificación emitida por esta, as cantidades xustificadas polo concellos correspondentes ás actividades obxecto do convenio, en todo caso no presente exercicio orzamentario.

No caso de incumprimento das obrigas establecidas no artigo 11º da Lei 9/2007, do 13 de xuño, de subvencións de Galicia e, en todo caso, nos supostos establecidos no artigo 33 º desta Lei, as entidades comprométense a reintegrar as cantidades percibidas, se as houbese, xunto cos xuros de demora segundo o procedemento establecido no artigo 37º da mesma norma legal e no artigo 77 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño de subvencións de Galicia.

Sétima.- COMISIÓN PARITARIA DE INTERPRETACIÓN E SEGUIMIENTO.

Para a coordinación, o seguimento e interpretación das actuacións derivadas deste convenio, crearase unha comisión mixta que estará integrada polos seguintes membros:

- Tres representantes da Consellería de Educación, Universidade e Formación Profesional.
- Tres representantes dos concellos (un por cada categoría de municipios), designados pola FEGAMP.
- A presidencia desta comisión de seguimento será desempeñada pola persoa nomeada pola Consellería de Educación, Universidade e Formación Profesional, de entre os membros que a compoñen.

Oitava.- VIXENCIA DO CONVENIO, DENUNCIA E CAUSAS DE RESOLUCIÓN.

O presente convenio estenderá a súa vixencia desde a data da súa sinatura ata o 31 de decembro de 2018.



Sen embargo as achegas económicas que se dean aos concellos poderán atender gastos contraídos dende o 1 de xaneiro do ano en curso.

A denuncia do convenio, por calquera das partes, deberá realizarse mediante comunicación escrita e motivada dirixida á comisión de seguimento.

Serán causas de resolución:

- A) O remate do prazo previsto para a súa vixencia.
- B) A denuncia formal e motivada de calquera das partes.
- C) O incumprimento das obrigas derivadas deste convenio.
- D) O mutuo acordo entre as partes asinantes do convenio.

Novena.- RÉXIME, NATUREZA XURÍDICA E XURISDICIÓN COMPETENTE.

Este convenio ten carácter administrativo e en canto aos seus efectos rexerase polo establecido nas súas cláusulas, de acordo co disposto no Acordo da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, publicado por Resolución, da Consellería de Economía e Facenda, do 8 de abril de 1991.

Así mesmo, seralle de aplicación a Lei 9/2007, do 13 de xuño, de subvencións de Galicia, o Decreto 11/2009, do 8 de xaneiro, polo que se aproba o regulamento da antedita lei e demais normativa de desenvolvemento aplicable.

Tamén estará suxeito aos artigos básicos da Lei 38/2003, do 17 de novembro, xeral de subvencións e do Real Decreto 887/2006, polo que se aproba o regulamento da citada lei. Neste senso, resulta afectado pola obriga de publicidade na Base de Datos Nacional de Subvencións, introducida na Lei 38/2003, do 17 de novembro, xeral de subvencións pola Lei 15/2014, do 16 de setembro, de Racionalización do sector público e outras medidas de reforma administrativa.

A xurisdición contencioso administrativa será a competente para dirimir as cuestións que puidesen xurdir da aplicación deste convenio.

En proba de conformidade, asinan este convenio, por triplicado exemplar e para un só efecto, no lugar e data indicados no encabezamento.



XUNTA DE GALICIA

CONSELLERÍA DE EDUCACIÓN, UNIVERSIDADE
E FORMACIÓN PROFESIONAL
Secretaría Xeral Técnica

Edificio Administrativo San Cetano s/n
15781 Santiago de Compostela
Tfno.: 981 544 400 – Fax: 981 545 443
www.edu.xunta.es



Pola Consellería de Educación, Pola Federación Galega de Municipios e
Universidade e Formación Profesional Provincias

**ANEXO I**

CONCELLO	CPI
BERGONDO	CPI DE CRUZ DO SAR
BOQUEIXÓN	CPI ANTONIO ORZA COUTO
CARRAL	CPI VICENTE OTERO VALCÁRCEL
CERCEDA	CPI O CRUCE
DODRO	CPI EUSEBIO LORENZO BALEIRÓN
FENE	CPI A XUNQUEIRA
MAZARICOS	CPI DA PICOTA
MESÍA	CPI DE XANCEDA
MONFERO	CPI VIRXE DA CELA
ROIS	CPI DOS DICES
VAL DO DUBRA	CPI DE BEMBIBRE
VEDRA	CPI DE VEDRA
BARALLA	CPI LUIS DÍAZ MORENO
CASTROVERDE	CPI DE CASTROVERDE
CERVANTES	CPI DE CERVANTES
COSPEITO	CPI VIRXE DO MONTE
FOLGOSO DO C.	CPI DE SEOANE
GUNTÍN DE PALLARES	CPI TINO GRANDÍO
PEDRAFITA DO CEBREIRO	CPI UXÍO NOVONEIRA
TABOADA	CPI SAN TOMÉ DE CARBALLO
CARBALLEDA DE VALDEORRAS	CPI TOMÁS TERRÓN MENDAÑA
CASTRO CALDELAS	CPI VIRXE DOS REMEDIOS
COLES	CPI ANTONIO FAILDE
GUDIÑA, A	CPI LAUREANO PRIETO
MASIDE	CPI DE MASIDE
PADRENDA	CPI DE PADRENDA-CRESPOS
SAN CRISTOVO DE CEA	CPI VIRXE DA SALETA
CAÑIZA A	CPI DA CAÑIZA
PAZOS DE BORBÉN	CPI CURROS ENRÍQUEZ
PONTECESURES	CPI DE PONTECESURES
PORTAS	CPI DOMINGO FONTÁN
RIBADUMIA	CPI JULIA BECERRA MALVAR
ROSAL, O	CPI MANUEL SUÁREZ MARQUIER
VILABOA	CPI DO TOURAL

ANEXO II



IMPORTES CONVENIO 2018

CONCELLO	CPI	IMPORTE A PAGAR 2018
BERGONDO	CPI DE CRUZ DO SAR	19.011,38 €
BOQUEIXÓN	CPI ANTONIO ORZA COUTO	32.462,46 €
CARRAL	CPI VICENTE OTERO VALCÁRCEL	22.292,78 €
CERCEDA	CPI O CRUCE	16.302,54 €
DODRO	CPI EUSEBIO LORENZO BALEIRÓN	26.404,97 €
FENE	CPI A XUNQUEIRA	22.245,24 €
MAZARICOS	CPI DA PICOTA	14.445,32 €
MESÍA	CPI DE XANCEDA	16.547,16 €
MONFERO	CPI VIRXE DA CELA	17.379,65 €
ROIS	CPI DOS DICES	6.136,91 €
VAL DO DUBRA	CPI DE BEMBIBRE	11.092,81 €
VEDRA	CPI DE VEDRA	17.921,23 €
BARALLA	CPI LUÍS DÍAZ MORENO	19.186,75 €
CASTROVERDE	CPI DE CASTROVERDE	15.958,49 €
CERVANTES	CPI DE CERVANTES	6.147,46 €
COSPEITO	CPI VIRXE DO MONTE	19.041,15 €
FOLGOSO DO C.	CPI DE SEOANE	12.307,93 €
GUNTIN DE PALLARES	CPI TINO GRANDÍO	19.655,99 €
PEDRAFITA DO C.	CPI UXÍO NOVONEIRA	9.184,13 €
TABOADA	CPI SAN TOMÉ DE CARBALLO	21.122,41 €
CARBALLEDA DE VAL.	CPI TOMÁS TERRÓN MENDAÑA	20.251,04 €
CASTRO CALDELAS	CPI VIRXE DOS REMEDIOS	9.652,13 €
COLES	CPI ANTONIO FAILDE	26.650,90 €
GUDIÑA, A	CPI LAUREANO PRIETO	15.907,20 €
MASIDE	CPI DE MASIDE	16.985,84 €
PADRENDA	CPI DE PADRENDA-CRESPOS	16.570,96 €
SAN CRISTOVO DE CEA	CPI VIRXE DA SALETA	21.171,55 €
CAÑIZAA	CPI DA CAÑIZA	43.161,65 €
PAZOS DE BORBÉN	CPI CURROS ENRÍQUEZ	23.050,24 €
PONTECESURES	CPI DE PONTECESURES	19.054,08 €
PORTAS	CPI DOMINGO FONTÁN	21.930,22 €
RIBADUMIA	CPI JULIA BECERRA MALVAR	24.935,39 €
ROSAL, O	CPI MANUEL SUÁREZ MARQUIER	31.774,33 €
VILABOA	CPI DO TOURAL	22.922,54 €
	TOTAL	658.864,00 €